

Merakam COVID-19 di Singapura

Pandemik sedunia COVID-19 telah menjejaskan kita semua di Singapura. Lembaga Perpustakaan Negara (NLB) berusaha untuk melestarikan kisah dan pengalaman ini untuk generasi akan datang. NLB sudah mengarkibkan tapak web (<https://eresources.nlb.gov.sg/webarchives/>), mengumpulkan gambar-gambar dan bahan sementara (efemera) berkaitan dengan COVID-19. Bagaimanapun, kami perlukan bantuan anda untuk merakamkan pengalaman seharian kita dengan lebih menyeluruh.

Kami mahukan sumbangan anda

NLB menjemput anda membantu kami mengumpulkan atau merakamkan detik penting ini dari sekarang sehingga 31 Disember 2020. Ini termasuk rakaman video, audio, gambar, risalah, poster dan diari. Anda boleh hantarkan bahan kepunyaan atau ciptaan anda, atau sarankan tapak web dan kandungan yang sesuai. NLB akan meminta izin daripada pemilik untuk menjadikan kandungan yang disarankan sebahagian daripada koleksi negara kami.

Kami juga ingin menyokong pertubuhan dan masyarakat yang berminat untuk merakamkan COVID-19 atau sudah pun menjalankan usaha atau projek sedemikian. Sila hubungi kami melalui alamat emel ini: NLB_Document_Covid19@nlb.gov.sg

Sila lihat bahagian di bawah bagaimana anda boleh sumbangkan bahan digital, jurnal dan bahan sementara (efemera).

Sumbangkan kandungan digital anda

Hantar kandungan digital anda: <https://go.gov.sg/dcovid19form-m>

Kami alu-alukan sumbangan kisah, gambar, rakaman video dan audio di bawah kategori ini

KEHIDUPAN SEHARIAN SEMASA COVID-19

Kami ingin merakamkan kehidupan di Singapura dan erti rumah (secara fizikal dan simbolik) buat anda semasa pandemik COVID-19 dan tempoh pemutus litar ini:

- Bagaimana rutin seharian anda berubah? – cara kerja atau bersekolah, mendapatkan makanan dan barangan runcit, rutin senaman anda, kegiatan hobi

- Bagaimana anda luangkan masa di rumah dan berhubung dengan ahli keluarga dan sahabat handai?
- Membuat penyesuaian menyambut perayaan – hari lahir, ulang tahun, cuti sekolah, Ramadan?
- Apakah perubahan yang anda saksikan di kejiranan anda? Dan kehidupan di Singapura secara umum? Bagaimana perasaan anda?
- Apakah cabaran yang anda sedang atau telah hadapi? Bagaimana anda hadapi cabaran itu?
- Apakah detik atau kisah yang memberi anda kebahagiaan, harapan dan semangat semasa keadaan tidak menentu ini?
- Adakah anda akan rasakan kehilangan sesuatu ataupun tidak apabila langkah pemutus litar dihentikan?

WIRA SEHARIAN COVID-19

Kami ingin rakamkan kisah dan pengalaman mereka yang di barisan hadapan Singapura menentang COVID-19 dan mereka yang bekerja dalam perkhidmatan penting. Jika kehidupan anda telah disentuh oleh seorang wira, kami turut berminat mendengar kisah anda. Wira seharian termasuk kakitangan perubatan, sukarelawan, kakitangan perkhidmatan sosial, dan yang bekerja dalam perkhidmatan penting seperti kakitangan menjual makanan dan minuman, pekerja penghantaran, pemandu teksi serta kumpulan dan individu yang telah membantu masyarakat mengharungi waktu mencabar ini.

- Bagaimanakah kehidupan anda sebagai seorang yang berada di barisan hadapan atau seorang pekerja perkhidmatan penting, dan bagaimana anda sesuaikan diri menghadapi perubahan yang berlaku pada waktu ini?
- Apakah detik yang paling sukar atau manis yang tidak dapat anda dilupakan? Bagaimana perasaan anda menghadapinya?
- Apakah perbuatan baik yang anda alami atau lakukan pada waktu ini?

Harap jangan keluar rumah hanya untuk mengambil gambar atau buat rakaman video semasa pemutus litar.

Sarankan tapak web

Anda juga boleh sarankan tapak web, laman web dan blog yang mengandungi kisah dan maklumat berkaitan COVID-19 untuk diarkibkan. Anda boleh hantar saranan anda menggunakan borang ini: <https://eresources.nlb.gov.sg/webarchives/recommendation>

Sumbangkan jurnal anda

Catatan jurnal boleh memberi gambaran dan konteks yang jelas akan keadaan hidup dalam waktu pandemik ini. Kami menjemput anda untuk menyumbangkan jurnal anda agar dapat membantu generasi akan datang memahami detik dalam sejarah kita ini. Hubungi kami di alamat emel ini: documentcovid19@nlb.gov.sg. Sila simpan dahulu dan kami akan memaklumkan anda bila bahan itu boleh diposkan atau dihantar ke perpustakaan apabila ia dibuka semula.

Jika anda hanya ingin sumbangkan cebisan penulisan anda mengenai COVID-19, sila taip dan hantarkan melalui borang ini: <https://go.gov.sg/dcovid19form-m>

Sumbangkan bahan sementara (efemera)

Bahan sementara termasuk poster, risalah dan brosur. NLB mencari bahan sementara berkenaan COVID-19 daripada perniagaan dan pertubuhan tempatan, seperti penasihat jarak selamat serta langkah-langkah lain, dan nota penukaran waktu operasi.

Anda mungkin telah menjumpai bahan seumpama itu atau menerimanya dalam peti surat. Syarikat atau pertubuhan anda juga mungkin telah menghasilkan bahan sementara seumpama itu. Bagi bahan sementara yang dicetak, sila isi borang ini:


<https://go.gov.sg/dcovid19form-m>

Sila simpan dahulu dan kami akan memaklumkan anda bila bahan itu boleh diposkan atau dihantar ke perpustakaan apabila ia dibuka semula.

Bagi bahan sementara bentuk digital (seperti e-poster dalam tapak web), sila sarankan pautan untuk diarkibkan melalui borang ini:

<https://eresources.nlb.gov.sg/webarchives/recommendation>

Contoh bahan sementara (efemera):



Poster yang mengingatkan orang ramai memakai pelitup muka



Poster yang mengingatkan orang ramai supaya duduk di rumah



Poster SafeEntry



Poster SafeEntry

Panduan Membuat Sumbangan

Jangan hantarkan:

- Bahan yang tidak ada kena mengena dengan COVID-19. Umpamanya yang berbentuk abstrak, tidak jelas dan sebagainya.
- Bahan yang mengandungi individu yang boleh dikenal pasti, termasuk kanak-kanak, tanpa izin mereka;
- Bahan yang boleh menyinggung perasaan orang lain.

Sebagai usaha pelestarian jangka panjang NLB, penghantaran hendaklah dalam bentuk ini:

Bentuk	Spesifikasi
Imej	Imej dalam format TIFF resolusi tinggi sekurang-kurangnya 300 ppi. Saiz gambar sekurang-kurangnya 3MB untuk memastikan imej resolusi tinggi. Jika anda tidak pasti, kongsi sahaja imej dalam resolusi yang paling tinggi.
Video	Video dirakamkan dalam format mp4 dan resolusi sekurang-kurangnya 720p. Video tidak melebihi 3 minit atau 250MB, dan mungkin perlu disunting untuk memenuhi syarat yang dikehendaki.
Audio	Rakaman audio dalam bentuk mp3.

Terma dan Syarat

Apabila menghantar sumbangan, anda akan diminta untuk bersetuju dengan terma dan syarat berikut:

1. Saya akui saya berumur 18 tahun dan ke atas dan berkongsi secara bebas: a) gambar yang saya sendiri petik; b) video yang saya sendiri rakamkan; dan/atau c) teks yang saya sendiri karangi. Saya faham bahawa gambar, rakaman video dan/atau teks yang dirujuk sebagai “Memori Bersama” dalam terma yang tertera di bawah.
2. Saya faham bahawa saya tetap memiliki hak cipta ke atas “Memori Bersama” dan boleh menggunakannya untuk apa jua tujuan dan berkongsi dengan sesiapa jua mengikut kemahuan saya.
3. Saya setuju bahawa Lembaga Perpustakaan Negara (NLB) boleh gunakan “Memori Bersama” seperti berikut:
 - a) Mengarkibkannya menjadi sebahagian daripada koleksi NLB. Saya faham NLB tidak akan mengarkibkan kesemua “Memori Bersama” yang diterima, dan tidak semua akan disimpan oleh NLB.
 - b) Menggunakannya dan membenarkan pihak lain menggunakannya untuk apapun tujuan dan tanpa jangka dan tempat yang terhad seperti yang diputuskan oleh NLB.
 - c) Antara kegunaan yang dimaksudkan dalam sub-perenggan 3b) termasuk contoh berikut:
 - (i) hak NLB dan pihak lain untuk menyunting “Memori Bersama”
 - (ii) digunakan dalam pameran, internet dan wadah dalam talian lain, aplikasi mudah alih, kiosk interaktif, program, penghasilan buku dan barangan untuk menyokong budaya, sejarah atau pembelajaran.